

et leto le letere. Fu posto per i Savii d'acordo una letera a sier Andrea Griti procurator, provedador zeneral e sier Polo Nani capitano di Bergamo, in risposta di sue questa malina ricevute, che non contentandosi sguizari star, et non passar Lodi e aspettar la loro paga, diti Provedadori con le nostre zente et Governador zeneral nostro vengino a Crema et stagino a l'erta. Et fu presa.

Item, una bona letera a l'Orator nostro in Franza, debbi parlar a la Christianissima Maestà et giustificach quanto havemo fatto, et li desordeni sequenti per qualche dissension è nel campo suo, et come, volendo monsignor di Lutrech andar a Novara ad aspettar Soa Maestà, è stà il meglio che le nostre gente vengano di quà di Ada per asegurar il Stado nostro, *etiam* dar spalle a Lodi e altri lochi di Geradada si tien per la Christianissima Maestà Soa, et li havemo scritto volendo restar li sguizari, qual dicono *palam* voler tornar a caxa per non haver auto la paga, *etiam* le nostre zente restino a Lodi e de li intorno. Concludendo, non semo per manchar.

Item, fo scritto una altra letera a monsignor di Lutrech in questa substantia, con dirli quanto è stà scripto per il Senato al provedador Griti etc. per Colegio.

Fu posto, per i Savii di Colegio, che il Savio et il Provedador sora le aque che ozi si farà, e quelli *de cetero* sarano electi, debano aver contumacia; et hessendo rimasto in altro officio, si fazi in loco suo *ut in parte*, saldi le casse ogni 4 mexi. Et sier Marin Morexini savio sora le aque audò in renga per contraddirla, et fo rimesso di mandar la parte.

Et tolto il scurtinio con boletini di un Savio sora le aque in luogo di sier Donà da Leze ha refudado per intrar savio di terra ferma, tolli numeri 13 rimase sier Hironimò Trivixan fo ai X savii qu. sier Domenego, qual procurò assai: et il scurtinio sarà posto quì avanti.

Fu posto, per i Consieri, una gratia a Luca Antonio dil Zonta poter stampar il commento dil cardinal Caietano sopra la terza parte di la Summa di S. Thomaso. Ave 158, 12, 3.

Fu posto, per li diti, una taia a Padoa, come apar per letere di 8 dito. Ave 168, 4, 2.

Fu posto, per li diti, concieder a uno pre' Zuan Piscator, poter alivelar *ut in parte*. Ave 112, 4, 8.

*Scurtinio di un Savio sopra le aque in luogo di 119**
sier Donado da Leze, intrò Savio di terra ferma.

Sier Sebastian Marzello qu. sier Antonio da San Pantalon	100. 86
Sier Andrea Zustignan, fo provedador al sal, qu. sier Unfrè	100. 91
Sier Piero Valier, fo podestà e capitano a Ruigo, qu. sier Antonio.	81.110
Sier Nicolò Pasqualigo, fo di la Zonta, qu. sier Vetur	101. 87
Sier Piero Boldù è di Pregadi, qu. sier Lunardo	97.103
Sier Hironimo Basadona, fo di Pregadi, qu. sier Filippo	86.120
Sier Zuan Minoto, fo al luogo di Procurator, qu. sier Giacomo	56.142
Sier Piero Bragadin, fo provedador sora le camere, qu. sier Andrea	103. 89
Sier Zuan Dolfin, fo di Pregadi, qu. sier Daniel.	116. 77
Sier Piero Mocenigo, fo provedador sora i daciai, di sier Lunardo, qu. Serenissimo.	82.110
Sier Piero Venier, fo di Pregadi, qu. sier Domenego	89. 97
† Sier Hironimo Trivixan, fo ai X Savii, qu. sier Domenego.	127. 65
Sier Gabriel Venier, fo avogador, qu. sier Domenego	92. 96

Noto. È nova in merchadanti todeschi di Fontego, come hanno di Lisbona indiani haver brusato tutti li castelli de portogalesi, sichè, *de cetero*, mal potranno haver specie et portarle a Lisbona; la qual nova se è vera sarà optima a questa terra, perchè le specie ritornerano a venir per la via di la Soria, et le nostre galie dil merchà le leverano et fornirano terra todescha.

Havendo inteso la Signoria nostra venir in questa terra, et esser zonto a Trevixo uno orator dil Serenissimo re di Hongaria, chiamato, il qual è preposito di Cinque Chiezie, et va poi a Roma, fu terminato prepararli lo alozamento in cha' Rimondo, ch'è caxa vuoda a San Felixe. Et chiamati . . . zenthilomeni in Pregadi per mandarli contra fino a Margera; il qual vien doman. Et cussi zonze. È di età di anni 45.

A dì 24, la matina non fo alcuna letera da con- 120